



BIBLIOTHECA
UNIV. JAGIELLONICA
KRAKOWENSIS

kat.komp.


221448



Mog. St. Dr.

G

Najmansontia Christophori Univ. Rectoris: Observa-
tiones contra habitantes extra domus
Universitatis et contra non inbolutos in-
gerentes se numero studiosorum.





M. CHRISTOPHORVS NAYMANOWICZ,
 MEDICINÆ DOCTOR, & ORDINARIVS PROFESSOR,
 STVDII VNIVERSITATIS CRACOVIAN: GENERALIS
 R E C T O R. 221448 ^{III}


MAiores nostri Viri Clarissimi, prima origine Vniuersitatis in id max. incubuerūt, vt Vniuersitatem & Academiam nostram in se vnitam, cōnexam, & quasi vnus cordis animam, efficerent & cōseruarēt. Proinde cum diuersis modis sanxissent, vinculum æternū inter Professores tanquā maiores nati filios Acad. & inter Studiosos, tāquam minores; tum verò id præcipue cauebāt, ne studiosa iuuetus, quæ habet magno etiam nostro sumptu cōparata pro se domicilia, in quibus, moribus Academicis viuat & instruatur, per Ciuitatis domos promiscuè diuagetur. Et ne, cū inscripti & intitulati ōnes esse debeant Vniuersitati: extranei, vagi, discoli, in corpus nostrū admittantur, quo nulla certior nobis ruina. Cuius quidē præcautionis manifesta documēta habemus: quoad Studiosos vagos, in antiquis tabulis obseruationū Academiae nostræ quibus conquiri iubentur eiusmodi inhabitātes hospitia Ciuium, sine voluntate Rectoris: quoad nō intitulatos, elegans Mandatū, cuius tenor talis:

Vniuersitatis R E C T O R, mandat omnibus Magistris, Doctoribus, Baccalaureis, Studiosis, cæterisq; suppositis Vniuersitatis eiusdem; Quatenus non legant nec disputent, neq; aliquos Actus Scholasticos eorum non intitulati siue Matricula Vniuersitatis non inscriptis exerceant, ipsosq; ad seruitorum requisitionem de Lectorijs recedere faciant, ne Studentes veri in suis Lectionibus ac exercitijs impediatur, aut per tales nō intitulatos, aliqua insolentia & disturbia Vniuersitati generentur, sub pena obedientiae, & præstiti iuramenti. Datum Rectoratus sub Sigillo In Rectoratu Serenissimi Principis Dñi D. Alexandri Dei G. Ducis Masouiae, Præpositi Gnesnei. Anno 1422. & ante Illustriss. Principis & Venerabilis Domini D. Ioan. Ducis Drohicini Custod. Crac. Can. Sand. M. Ioannis Szasaniec, M. Thomae de Strzampino Decretorū Doctoris, 1432. Venerab. viri D. Sandinogij de Thanczyn, Profess. in Decretis Can. Crac. Anno 1460. M. Benedicti Hesse, M. Nicolai Bylina S. Th. Profess. Canonicoꝝ Crac. 1450. In Rectoratu quoq; Ioan. de Latosyn 1463. Clementis de Gorke 1472. in Decret. Doctorū Can. Crac. Item Ioan. Kro. An. 1419. Petri Gaszowiecz 1464. Andrea Grzymala 1465. Matthiae de Nieschow 1503, Medicina Doctorum, & aliorum.

Proinde nos cōsiderantes, nō tantum antiquitatis illius sanctam & laudabilē reuerentiam, sed etiam quòd Patrum nostrorum sancita, nostris tēporibus accōmodari videātur, præceptaq; nobis, quibus Academiam saluam facere possumus, à prudenti illa & sancta antiquitate dentur: Prædictas obseruationes, cōtra habitātes extra domicilia Vniuersitatis, & contra non intitulatos, ingerētes se numero Studiosorū nostrorū, & specie filiorum in panem Academicū, tanquā canes inuolantes, innouādas duximus, prout innouamus præsentī edicto nostro: præcipimusq; omnibus Magistris, Bacc. Præceptoribus, qui in Collegijs Vniuersitatis nostræ profitētur, alijsq; adeo omnibus subiectis nostræ Vniuersitatis, ne cum quoquam, qui se Studiosum nominet, nec in Collegio, in Contubernio, Schola Academiae, vel hospitio cum licentia nostra inhabitet, quicquā cōmercij, cōuersationis habeant, eosque quouis titulo manu teneāt, seruent, tractēt, illorūue consortio vtātur. Pariter quoq; quod attinet nō intitulatos, vt eos omni similiter sua cōuersatione arceāt, prohibeāt. Et si cōtigerit tales siue ad publicas Collegiorū, siue ad priuatas Classiū lectiones venire, & se se immiscere veris & inscriptis, intutatis Studiosis, vt eos Primū moneant, Secundo iubeāt & cogant exire, tanquā alienos. Tertio inuocēt auxiliū Officij nostri. Bedellorū nostrorū, & Studiosorū, vt eiusmodi vi expellantur & eijciātur. Idq; faciant sub pœna Rectorali Statutis descripta: & in subsidiū, alienationis ascēsum, Graduum, Promotionū Vniuersitatis nostræ. Minores pœna proscriptionis, & ea qua non intitulati afficiendi essent, vtpotē non filij, sed proditores & insidiatores Vniuersitatis. Dat. in ædibus nostræ residentiae, Die XXIII. Iulij. Anno Domini, M. DC. XXXIII.

Sub Sigillo Officij Rectoratus.





四
五
六
七
八
九
十